

PROLVSTIO
DE
SCHOLIS BENE CONSTITVTIS
ECCLESIAE ET REIPVBLICAE
SEMINARIIS.

PRAEMISSA
DECLAMATIONIBVS VII.
IN ILLVSTRI
SCHOLA GRIMANA

A. D. XIV. SEPTEMBR.

IPSO DIE SCHOLAE NOSTRAE NATALI
IN AVDITORIO MAIORI

HORA IX. MATVTINA HABENDIS
AD QVAS AVDIENDAS QVAM HVMANISSIME
I N V I T A T


IO. TOB. KREBSIVS,

ILLVSTRIS MOLDANI RECTOR.

LIPSIAE,
EX OFFICINA BREITKOPFIA.

1917

Revised to
Standard Edition
1917



DE
SCHOLIS BENE CONSTITVTIS
ECCLESIAE ET REIPVBLICAE
SEMINARIIS.

Ingredienti mihi hanc de Scholis, bene constitutis, Com-
mentationem, earumque praestantiam, vtilitatemque
commendare, et laudare adeo instituenti, non profecto
verendum videtur, vt idem accidat, quod olim Sophistae,
nescio cui, accidisse scimus: qui cum in magno Spartano-
rum conuentu procedere vellet, et Herculem se laudatu-
rum esse, ostendisset: ab Antalcida hac odiosa et mordaci
interrogatione perturbatus illudebatur: *Num quis Herculem
vnquam vituperauit, vt te laudatore opus habeat?* Non, inquam,
hoc habeo verendum. Nam quis omnium rerum ita igna-
rus est, aut cuius aures in peruulgato fere et populari ser-
mone peregrinantur ita, quin saepe audierit, quam con-
temptim, ieiune, et maligne multi, qui sibi sapere aliquid
videntur, de scholis opinentur, quam abiecte de earum
magistris iudicent, ita, vt illas vix aliquo in Republica
numero habeant, hos autem ad infima semidoctorum sub-
sellia detrudendos putent. Scilicet, hi sunt viri, alta, et
diuina quadam mente praediti, qui, quid Ecclesiae sit, to-
tique



tique Reipublicae salutare, et frugiferum, omnium intelligentissime iudicare possunt, et qui, non nisi de magnis, oculorum nempe aciem praestringentibus, solliciti, has minutulas res, in quibus scholas ponunt, non curandas sibi, sed alto supercilio despiciendas arbitrantur. Quodsi horum, vitio creatorum, Cenforum, qui personam sibi, auctoritatemque iudicis vindicant, et, quod non intelligunt, id magnifice contemnunt, si horum, igitur, iudicio standum esset: breui sane futurum esset, ut scholis clausis, et in horrea, vel equilia conuersis, earumque magistris proscriptis, crassa ignorantia, immanis barbaries, et cum iis assiduae fere, et insaufae comites, morum ferocitas, literarum cum diuinarum, tum humanarum contemptio, vana superstitio, verae religionis corruptio, Reipublicae perturbatio et euersio insecuturæ vi, et agmine quasi facto, irrumperent, et ubique dominarentur. Sed hi delicati, et fastidiosi iudices, et scholarum, earumque magistrorum magnifici contemptores, patientur, credo, me contendere, scholas bene constitutas esse vtilissimam, maximamque Reipublicae partem, et qui in iis doceant, provinciamque demandatam cum magna elegantum in ea re iudicum laude sustineant, saepe ei plus commodi asferre, munusque praestare amplius, quam multi eorum, qui magnorum titulorum vanitate superbientes sibi mirifice placent.

Profecto, si memoriam antiquiorum temporum, quibus bonae literae neglectae iacuerunt, et Religio innumeris fabulis anilibus contaminata est, mente, cogitationeque repetitus: inueniemus, e scholarum, bonarumque literarum, quae in iis tradi solent, contemptu et neglectu, tanquam e fonte infelicissimo, omnia ista mala promanasse, et quasi prorupisse. Neque vero hoc mirum cuiquam, aut ad intelligendum difficile videri debet. Nam, si rem accurate volumus, opinionumque praeconceptarum tanquam vinculis non impediti, diiudicare: reperiemus, neglecta sapientia, honestaque iuuentutis educatione, et institutione liberali,



rali, conformationeque ad sincerum pietatis studium, ad accuratae doctrinae cultum, ad honestorum morum elegantiam suisque, deque habita, necessario esse consecutum hoc, ut homines non solum a cultu humaniore deficiant, et barbariei se sensim totos tradant, sed etiam, ut pro vera pietate vana superstitio, pro honestae vitae cultu horridorum morum feritas, pro liberalioris doctrinae elegantia barbariei agrestis immanitas, pro Reipublicae flore et incolumitate perturbatio rerum, interitus, atque ruina succedat. Sapientissime igitur et maiores olim iudicarunt, et etiamnum omnes sapientes ita iudicant, non posse facile munus amplius, et Ecclesiae totique Reipublicae salubrius asserri, quam quod, iuventute ad verae religionis cognitionem accuratam percipiendam, ad virtutis, honestatisque sensum et amorem concipiendum, ad liberalioris doctrinae scientiam comparandam, et ad honestorum morum venustatein instituenda et conformanda, ei praestetur, atque adeo ea regna, eas Respublicas felices esse habendas, in quibus scholae publicae, bene constitutae, vigeant, quippe quae Ecclesiae, et totius Reipublicae *Seminaria* sint exultimandae. Quod quidem cum non dubitemus, quin multis, qui cuiusque rei dignitatem et utilitatem non tam sua praestantia, quam vana, eaque deceptrici specie metiri solent, ineptum, et ridiculum videatur: de hac re paullo pressius, luculentiusque exponendi consilium cepimus, non tam eo consilio, ut ex animo, istorum magnificorum contemptorum nimis vilem, et ieiunam opinionem de scholis, earumque magistris enellamus, quod forte optandum magis, quam sperandum est, sed potius hoc, ut omnibus rerum arbitris aequis appareat, quod pretium his scholis sit ponendum, quam provida, vigilantique cura pro earum tutela, et flore laetiore sit excubandum, quanto studio laborandum, ut ne, cum desiderare coeperint, sensim labent, tandemque collabefactae ruant, hocque interitu suo bonarum literarum, purioris religionis Reipublicaeque secum trahant ruinam.



Neque vero ignoro, si locum aliquem, e literis interioribus, doctrinaque reconditori depromptum selegissem, in quo haec Commentatio versaretur mea, me rem, ad doctrinae famam aucupandam accommodatiorem, et ad ingenii, eruditionisque laudem, elegantiores, suscepturum fuisse: sed, quemadmodum natura gloriolae captandae non tam avidus sum, ita nihil neque solemnitati huius diei, quo memoria Illustris Moldavi nostri, ante hos ipsos CCXIV annos erecti et aperti pia, grata, laetaque mente recolitur, convenientius, neque rationi temporum nostrorum, quibus multae scholae, nupero illo bello calamitose, afflictae, et pene prostratae, suisque vix ad necessitatem assignatis redditibus magnam partem priuatae, iacturam, sortemque miseram suam acerbe conqueruntur, accommodatius, neque mea ipsius persona dignius iudicavi, quam scribendi argumentum sumere id, in quo, exponendo non ingenii quidem, doctrinaeque elegantiam ostendere, animum tamen, cum omnium omnino, tum Illustris scholae nostrae amantem, et studiosum, aequis huius Commentationis lectoribus probare possem.

Iam primum, si antiquissima tempora recordatione repetimus, omnibus viris sapientibus, prudentibusque, reperimus, opinionem, a natura ipsa insitam, et commendatam, infedis, penitusque infixam haesisse hanc, ut putarent, sapientem, liberalemque iuventutis educationem, institutionemque esse felicem illum fontem, e quo tranquillitas, securitas, et felicitas non priuatorum solum hominum, sed imperiorum etiam, et Rerumpublicarum promanet. Hac opinione cum et philosophi, et legumatores essent imbuti, et re ipsa edocti: in legibus ferendis, sancientisque secuti sunt id, ut antiquissimam curam ad iuventutem honeste, liberaliterque educandam, et instituendam conferrent, rati, saluberrimas leges ita vim suam, auctoritatemque esse habituras, si iuuenum animi, teneri adhuc et molles, atque adeo ad parendum sequaciores, mature
ita

ita instituti formarentur, vt amore virtutis magis ducti, quam poenarum metu coacti, legibus parendum sibi, obsequendumque putarent. Eo consilio, vt quis erat patriae suae amantissimus, et vtilitatis publicae studiosissimus, ita maxime confirmandum sibi, propugnandumque putabat, liberos non tam parentum, quam totius Reipublicae esse, atque adeo non ipsorum vel lubricini, vel imperitiae, non pravae patrum facilitati, non crudeli matrum indulgentiae relinquendos, sed doctoribus publicis educandos, instituendosque esse committendos, rati, vti est, neglectam domi educationem maximam vim in Rempublicam habere: in quam rem egregie disputat Aristoteles Politic. VIII. r. Vere illi, et sapienter ita iudicarunt. Nam plurimum sane refert, quibus opinionibus teneri adhuc, et integri puerorum animi imbuantur, quem rerum sensum, et quasi gustum concipiant, et quorum studiorum amore inflammentur, cum experientia edocti sciamus, quae tenera aetate perciperimus, ea fere maturioribus annis sensim ita confirmari, radicesque agere tam altas, vt vix euelli posse, penitusque eradicari posse videantur. Et sane, in antiquiorum temporum monumentis cognoscendis paulo diligentius, curiosiusque versatis constat, Reipublicae tranquillitatem, securitatem, florem, felicitatemque sapienti iuuentutis educationi, morumque probitati, tanquam fundamento innixam constituisse, adeo, vt quamdiu boni mores, honestae educationis fructus, viguerint, tamdiu etiam Respublica ipsa floruerit: vbi vero illi fuerint corrupti, tum vero ipsa sensim collabefacta interiret. In quam quidem rem illustrissimum, et huic loco accommodatissimum exemplum est Respublica Romana, qua nulla vquam neque amplior, neque magnis viris foecundior, neque sapientibus legibus, et institutis magis temperata et constituta fuit. Quam diu autem sapientissimae illae leges vim suam, auctoritatemque in ea Republica obtinuerunt? nempe quamdiu vetus disciplina, et boni mores vigeant: posteaquam vero hi primo desidere; deinde magis, magisque labi, tum deni-



denique praecipites ire coeperunt, adeo, vt, auctore Li-
uio Romani nec vitia sua, nec remedia possent pati, tum
vero saluberrimae leges peruertebantur, eludebantur, per-
rumpebantur, sensumque adeo ipsa totius Reipublicae fun-
damenta commota conuellebantur. Tanta educationis ado-
lescentulorum, tanta morum in vtraique partem vis est!
Ferantur in Republica saluberrimae leges, fanciantur poe-
nis grauissimis, nisi cuius animi tenera aetate ad probita-
tem morum fuerint conformati, et ad virtutis, honestatis,
que sensum, amoremque concipiendum concitati; nulla lex
tam sancta erit, quin aut callida hominum malitia peruer-
tat, aut ambitiosa gratia eludat, aut potens denique vis per-
fringat. *Adeo parum leges sine moribus vanae proficiunt.* Sed
hunc locum de vtilitate, e sapienti iuuentutis institutione in
Rempublicam redundante, diuine tractat Plato Lib. IV. de
Republ. p. 423 sqq. Edit. Stephan.

Cum igitur iuuentutis educatio, et institutio magnam
in Rempublicam habeat vim in vtramque partem: omnes
viri sapientes, patriaeque amantes commodissimam ratio-
nem iuuentutis sapienter, honesteque instituendae, existi-
marunt hanc, vt, quoniam liberi non tam parentibus sint,
quam patriae nati, doctorum publicorum curae, fidei, do-
ctrinaeque educandi, instituendique demandarentur. Et
profecto, si in originem, causasque scholarum constitutarum
inquirimus, reperiemus, earum foundationem cum vtilitatem
suasisse, tum necessitatem exegisse. Quam misera enim reli-
gionis facies esset futura, quam tristis Reipublicae conditio,
quam mala priuatorum hominum ratio, nisi essent scholae,
bene constitutae, h. e. officinae bonae mentis, in quibus ru-
des puerorum, adolescentulorumque animi verae religionis
cognitione imbuuntur, liberalioris doctrinae cultu forman-
tur, honestate, venustateque morum finguntur, et perpoli-
untur, verbo, iis vitae, doctrinaeque adiumentis ita instru-
untur, et ornantur, vt maturioribus annis pro suo quisque
ingenio, et facultate salubria officia vel Ecclesiae, vel Rei-
publicae

publicae praestare, et ad communem aliquid salutem conferre possint? Nam, vti in seminibus frugum causae latent: ita sapienti, honestae, liberalique educationi, et institutioni, qua iuventus in scholis bene constitutis formatur, debetur proventus virorum, qui de Ecclesia, totaque Republica olim bene merituri sunt. Et nominet mihi quis vnum aliquem honestiorum ordinum, qui ad communem Ecclesiae totiusque Reipublicae vtilitatem, communemque adeo salutem aliquid confert, quin, si gratum dici se, haberique velit, fateri cogatur, se huius facultatis suae, de Republica bene merendi, suaeque felicitatis adeo, magnam partem scholis acceptam referre. Profecto, si vllus eruditorum ordo est, cui diuina prouidentia commodissimam occasionem ostendit, de Ecclesia, totaque Republica bene merendi, est sane id literatorum genus, quibus in scholis bene constitutis tenera iuuentus, in spem patriae succrescens, pietatis, doctrinaeque cultu formanda est commissa. Quid enim? concreduntur Praeceptorum curae, fidei, et institutioni adolescentuli, vti omnium fere literarum rudes et imperiti, et a moribus minus politi, ita plerumque ad omne fere vitiorum genus procliuēs. Quod maius igitur beneficium praestari iis, quod amplius munus afferri Reipublicae potest, quam si teneri ipsorum animi, et in vtramque partem molles, prudenti Praeceptorum cura ita finguntur, vt verae religionis cognitione imbuti, virtutis, honestatisque amore concitati, liberalis doctrinae cultu formati, elegantiaque morum perpoliti euadant in eos, vt, ex rudibus, et saepe stupidis prudentes, e malitiosis honestos, e rusticis humanos, e turpibus viros bonos, ex impiis Christianos factos esse appareat? Itaque fuerunt, non sane doctores umbratici, sed viri, diu, summaque cum laude in Republica versati, qui, non aliqua laboris mercedula alleci, sed solo studio, de patria bene merendi, commoti, adolescentulos instituendos sibi, et in spem, vtilitatemque patriae iis artibus instruendos putarent, quibus aduti, ornatique suo tempore officia, bono ciue, patriaeque amante digna, praestare



re Reipublicae possent. Cato ille Tullianus, Sapientis nomine insignitus, summisque in Republica honoribus perfunctus, in commodis, honoribusque senectutis ponit hoc: *ut adolescentulos doceat, instituat, et ad officium officii munus instruat: quo quidem, inquit, quid potest esse praeclarius?* Iam Cicero, cum videret, dominatu vnus Caesaris in Republica omnia teneri, et neque in Curia consilio et auctoritati, neque in foro eloquentiae et industriae locum esse vllum: nullum neque amplius, neque salubrius munus Reipublicae asserre se posse putauit, quam, si publicorum negotiorum cura dimissa, studium, tempusque in adolescentulis instituendis collocaret suum. Vid. Plutarch. Cic. p. 1614. Sed ne temere, amoreque muneris. quod diuina providentia obeundum nobis imposuit, decepti contendere videamur, magna e scholis bene constitutis commoda in Ecclesiam redundare: age, paulo diligentius, pressiusque de hac re disputemus.

Verissima MELANCHTHONIS vox est (T. I. Declamatt. p. 507.). *Nunquam vera Ecclesia sine scholis aliquibus fuit, ac ne potest quidem diu conseruari doctrina christiana, nisi scholastici coetus adiungantur ad Ecclesias: et non multo post: non possunt florere Ecclesiae sine scholis, et quidem magna artium, ac literarum varietate opus est.* Sapientissime haec esse dicta, et ipsa ratio docet, et omnium temporum historia, grauissima huius rei testis, confirmat. Igitur, qui de scholis erigendis, beneque constituendis vnquam cogitarunt, ii, quamquam et alia, tamen inprimis secuti sunt hoc, ut adolescentum animi accurata religionis cognitione imbuerentur, iudicia variae doctrinae subtilitate acuerentur, ingenia humanitatis pastu quasi alerentur, literarumque latinarum, graecarum, hebraicarumque intelligentia instruerentur. Quae omnia ea copulatione, ea colligatione in scholis bene constitutis ita iungenda sunt, ut, si institutio in vlla harum rerum claudicat, imperfecta, mancaque et sit, et habeatur. Haec omnia autem quam non vtilia tantum, sed necessaria etiam futuro Theologo sint, quantum adiumenti Ecclesiae afferant, quando res ipsa loquitur, non attinet multis disputare. Vera



Vera est, et eruditis fatis nota vox Platonis, omnem liberalium artium, ingenuarumque literarum doctrinam vno quodam societatis vinculo contineri, mirumque inter eas quasi consensum, et concentum reperiri, communio- nemque et colligationem esse tantam, vt non tantum vna alterius cognitionem adiuuet, sed ne recte quidem percipi sine aliarum ope possit. Haec doctrinarum varietas, haec humaniorum disciplinarum societas, et quasi cognatio quam non vtilis modo, sed necessaria etiam sit ei, qui olim studium suum, operamque consecrare Ecclesiae, et magnificum Theologi nomen doctrinae variae vi sustinere velit, omnes cognoscent, qui quam variam, quam accuratam doctrinae liberalioris cognitionem Theologia requirat, eleganter iudicare possunt. Nam Theologia, variae, et accuratae doctrinae adiumentis non subleuata, verbo, inerudita, omni fere tempore procreatrix, et infelicissima mater grauissimorum errorum, acerrimarumque dissensionum et turbarum fuit. Grauius, et vere in hanc rem Melanchthon (T. I. Declamatt. p. 329.). Omnino Ilias malorum est inerudita theologia. Est enim confusanea doctrina, in qua magnae res non explicantur diserte, miscentur ea, quae oportebat seungi, rursus illa, quae natura coniungi postulat, distrahuntur. Saepè pugnantia dicuntur, vicina arripiuntur pro veris, ac propriis. - - Talis doctrina non potest non gignere infinitos errores, infinitam dissipationem, quia in tanta confusione alius aliud intelligit, et, dum suum quisque somnium defendit, existunt certamina, et dissensiones. Hoc consilio in omnibus scholis bene constitutis iuuenes initiis omnium liberalium doctrinarum instruantur, vt, earum praestantia, vtilitate, necessitateque cognita, acri studio in Academia in colendis iis, accuratiusque percipiendis versentur, imbuti quippe opinione verissima hac, se, nisi a varia liberalium artium doctrina instructi, ornatique fuerint, non posse venerabile illud Theologi nomen tueri, neque Ecclesiae multum commodi praestare. Iam, scientia literarum latinarum, graecarum, hebraicarumque, sine quibus nemo ad Theologiae studium accedere debet, harum, igitur, lite-



literarum scientiam comparandi vbi commodior occasio, quam in scholis, bene constitutis, offertur? adeo, vt, si scholae nihil aliud commodi ad Ecclesiam conferrent, vel hoc nomine optime de ea mereri essent existimandae. Neque vero esse puto, quare huic rei confirmandae asteram multas rationes, cum omnis historia Ecclesiastica doceat, quo tempore hae linguae eruditae, omnesque omnino bonae literae vigerint, eo etiam Scripturae sacrae interpretes, doctrinaeque christianae doctores praestantissimos floruisse; cum primum autem illae neglectae contemptaeque interierint, religionem etiam puriorem sensim, sinceritatem suam, integritatemque amisisse, adeo, vt eruditatum linguarum, quae maximo iure dicuntur, et habentur omnis liberalioris doctrinae instrumenta, interitus ruinam purioris religionis secum traxisse iure existimentur. Et profecto haud scio, an ad eruditatum linguarum, bonarumque literarum commendationem praeclarius quid, honorificentiusque dici possit, quam hoc, quod salutarem operam Religioni, Ecclesiaeque praestent. Quare, vti Religionis, Ecclesiaeque permultum interest, harum eruditatum linguarum studium omni ratione coli, retineri, et foueri; ita scholae bene constitutae vel hoc nomine vtilissimam Ecclesiae operam praestare censendae sunt, quod iuuenes in iis harum linguarum cognitione accurata instruuntur, sine quarum ope religio purior retineri nullo modo, defendique potest. Bene Lutherus noster in *aurea illa Epistola ad ciuitatibus Germaniae Magistratus de erigendis scholis* (T. XIX. p. 338. ed. Lips.) vbi de necessitate, vtilitateque harum linguarum exponit, *si culpa nostra commiserimus*, inquit, *vt linguas eruditae neglectas amittamus, Euangelium amittemus*. Quanti idem Vir Magnus has linguas fecerit, et quam necessarias Theologo, quam vtilis Ecclesiae iudicarit, et quam grauiter Theologiae studiosos ad eorum studium excitarit, inter alios testatur Melanchthon, qui, (T. IV. Declamatt. p. 465.) *Reuerendus Vir Lutherus*, inquit, *quam grauiter nos ad linguarum studia saepe hortatus est! Videbat enim, non aliam, veterem barbariem reducendi, magis compendiarium esse viam, quam si studia linguarum interirent.* Quan-



Quantum subsidium ad religionem puram, sinceramque servandam hae linguae afferant, et quam potentia arma ad omnes omnium hostium conatus repellendos, qui eam vel actis cuniculis, vel aperto Marte subruere et evertere moliantur, bonae literae, scholaeque bene constitutae suppeditent, probe callidissimus, idemque capitalis religionis christianae hostis, Iulianus ille Apostata, cognovit. Qui cum consilium cepisset, religionem christianam collabefactandi, funditusque evertendi, ad eam rem non flammam, et ferrum, non arma violenta adhibuit, quibus fere persecutores illi antiqui crudelissime quidem, sed e voto suo minus feliciter grassati erant: sed rationem excogitavit eam, quae, uti nihil iniquitatis, crudelitatisque habere videbatur, ita, si istud consilium facultatem habuisset, et ex voto illius Apostatae successisset, religioni christianae summam perniciem fuisset allatura. Quam igitur artem ad religionem christianam extirpandam, funditusque eradicandam adhibuit? nempe hanc, ut Christianis interdiceret scholis, causam interferens satis speciosam, et probabilem, cum ita dictitaret: neque Reipublicae conveniens, neque honestati publicae consentaneum esse, Ethnicorum libros in scholis Christianorum publice legi, interpretationisque luce collustrari, quorum religio, a Christianis palam explosa, irrideatur, omniumque contemptui et ludibrio deridenda propinetur: satis esse, addebat, Galilaeis (hoc enim nomine ludibrii causa Christianos infamare studebat) si Matthaeum et Lucam in scholis explicarent. Neque vero Ecclesiae christianae doctores, omnesque omnino purioris religionis amantes, aut tam parum intelligentes, aut rei sacrae tam parum curiosi erant, quin summam perniciem, quae strueretur callido isto, et periculoso Iuliani consilio religioni christianae, perspicerent, omnibusque viribus conniterentur eo, ut id vanum, irritumque redderent, rati, si bonae literae, et, quae earum instrumenta sunt, linguae eruditae interissent, breui ipsius religionis christianae ruinam esse infecuturam. Adeo necessarias scholas bene constitutas Ecclesiae, puriorique religioni tuendae esse

esse intelligebant, tot fructus ex illis in has provenire iudicabant. Hic omni fere aetate, quae quidem non omnis plane humanitatis expers, religionisque aut ignara, aut negligens esset, scholas Ecclesiis adiunctas fuisse, inuenimus. Quodsi antiquissima Hebraeorum tempora mente repetimus, cognoscemus, Moſen complures scholas Leuiticas constituisse, et, priusquam Templum fuisset exstructum, ad Tabernaculum institutam fuisse scholam, cui Samuelem ipsum praefuisse scimus. Iam, Eliam, et, eo mortuo, Elifaeum, aperuisse scholas, in quibus adolescentes accurata verae religionis, liberaliorisque doctrinae cognitione imbuerentur, auctoritate literarum sacrarum edocti scimus. Succedente tempore cum, ſocordia Sacerdotum, literarum studia frigere coepissent, penitusque fere neglecta iacerent: Deus, Ecclesiae suae consulturus, excitauit Prophetas, ad quorum scholas ea iuuenum, literarum diuinarum, humanarumque studia aemulantium, multitudo confluit, quam interdu loci angustiae capere non possent: cui rei illustre documentum est schola Elifaei. Sed de scholis Hebraeorum non est, quod pluribus disputemus: plura desideraturo satis facient, praeter alios, qui de scholis ex instituto exposuerunt, S. R. CARPZOVIVS in Apparatu Historico-Critico ad GODWINI Moſ. et Aaron. p. 313. ſqq. et, quem ibi, laudat, *Vitringa*. cf. MORHOFII Polyhist. T. I. Lib. I. c. 14. Quid? noui Testamenti temporibus nonne, per omnia secula, quibus vel aliquis religionis amor, bonarumque literarum studium erat, scholas, ab ipsis Apostolis aliquam partem constitutas, summo studio retentas, cultas, frequentatasque fuisse, inuenimus? quarum nulla primo jam post Christum natum seculo nobilior, et illustrior fuit, Schola Alexandrina, vulgo *Catechetica* dicta, quam ab ipso D. MARCO institutam ferunt, (vid. Irenaeus Lib. II. adv. haeref. c. 22. p. 148. Edit. Massueti.) et postea a Pantae-no, Clemente, Origene, et aliis, qui ei regundae non minus sapienti consilio, quam felici euentu praefecti fuerunt, illustratam esse, nonnimenta historiae Ecclesiasticae tradunt: ne iam de aliis, eodem, aut non longo tempore post constitutis,

tis, scholis, Antiochena, Ephesina, et Caesareensi dicam. In his scholis iuventus, religionis cognitione imbuta, et interpretationem librorum diuinorum edocta, in laetam Ecclesiae spem educabatur: quae omnes in summa grauissimorum temporum iniquitate, acerrima persecutorum violentia, et indies magis, magisque dominante, saeuienteque superstitione, et impietate suo se flore, sua dignitate, quamuis variis tempestatum grauissimarum fluctibus iactatae, incolumes usque ad Constantini M. tempora sustinuerunt. Hos docentium et discipulorum coetus, has scholas, in quibus, ut vere iudicat magnus ille Iurisperitus, BALDVINVS, *seminarium est, et veluti propago Ecclesiae*, et sine quibus Ecclesia diu conseruari vix potest, omni ratione tuendas, fouendas, augendas, et magis, magisque subsidiis vitae, redditibusque ornandas sibi Constantinus M. existimauit. Vid. FRANCISCI BALDVINI Constantinus Magnus p. 17. sqq. Quid? Carolus M. cum probe perspiceret, quam utiles, quam necessariae adeo Ecclesiis scholae sint; plerosque sacrorum Praefides templis suis primariis scholas, *cathedralium* nomine insignitas, adiungere iussit, in quibus adolescentes, suam olim operam Ecclesiae consecraturi, sacrarum literarum, aliarumque disciplinarum doctrina instituerentur. Auctoritate huius magni Imperatoris, cuius studium in scholas luculenter eminebat, claustrorum praefecti, quos *Abbat* dicunt, excitati scholas aperiebant, in quibus iuuenes, pro illorum temporum ratione, erudiebantur literis, quas futuro Theologo utiles, necessariaeque iudicabant. Insecutis seculis etsi bonae literae neglectae, contemptaeque iacebant, et barbariei ignorantia ubique fere dominabatur; tamen, scholas apertas fuisse, legimus, in quibus septem illae liberales artes, quas *triuui*, et *quadriui* nomine comprehendere solebant, iuuentutem docebant: quamquam negandum non est, ex eo inde tempore, quia doctores ingenium, tempusque vnice in contortis Dialectices quaestionibus, et spinosis Metaphysicis nugis infelicititer consumebant, contemptum eruditae linguarum, aliarumque bonarum



narum artium neglectum peperisse crassam illam barbariem, per multa secula dominantem, et Ecclesiae non minus, quam bonis literis noxiam et perniciosam. Cum autem felicissimo illo, et non minus bonis literis, quam religioni, Ecclesiaeque salutari, Seculo XV, ignorantiae, barbarieque spissis tenebris discussis, sua lux, sua vita, et non multo post religioni sua puritas, et integritas esset restituta: omnes viri et sapientia, et prudentia conspiciendi, uti erat, ita existimabant, se nulla fere alia re melius de Ecclesia, totaque adeo Republica mereri posse, quam, si opera, studio, consilioque Principes, ciuitatumque magistratus perducerent eo, ut scholas erigerent, erectas amplis, necessariis saltem, redditibus constituerent, constitutasque omni ope. fouendas, tuendas, sustentandasque sibi putarent, rati, scholis sublati, non posse diu puritatem suam sinceritatemque religionem retinere, Ecclesiamque conseruari. In quam rem instar omnium legatur diligentissime aurea sane LUTHERI Epistola ad omnes in Germania ciuitates *de scholis erigendis* scripta.

Iam, quid attinet multis de commodis, e scholis, bene constitutis, in totam Rempublicam redundantibus, disputare, cum religionis sinceritatem et ecclesiae incolumitatem, integritatemque in Reipublicae salutem, et dignitatem eam vim habere constet, ut, qui fructus, quae commoda e scholis, bene constitutis, ad illam proueniant, ea etiam in totam Rempublicam redundant. Cicero, lumine literarum sacrarum non collustratus, et in ea religione natus, et educatus, quae vana et coeca potius superstitio, quam religio nominanda est, tamen non dubitat contendere, huic religioni suae Romanae Reipublicae florem, amplitudinem, salutemque acceptam esse ferendam, cum dicat: (*Orat. de Arusp. Resp. c. 9.*) *Romanos non calliditate, et robore, sed pietate et religione omnes gentes, nationesque superasse.* Cf. in eandem sententiam Augustinus de C. D. V. 19. Recte Plato Lib. IV. de Republ. p. 427. contendit, *fundamentum Reipublicae esse religionem*: quicum amicissime conspirat Aristoteles Lib. VII. Politic. c. 8. sed de magna vi, quam

quam religio in totam habet Rempublicam, Viri docti iam dudum variis libellis exposuerunt. Adeo omnibus populis, (exceptis, qui, forma humana induti, belluina viuendi ratione quam proxime ad brutā animantia accesserunt,) haec opinio, haec persuasio a Natura ipsa quasi in sita, et commentata fuit, salutem Reipublicae religionis quasi fundamentis consistere innixam. Cum autem ad Rempublicam bene constitutam non solum requirantur diuinarum literarum Interpretes peritissimi, religionisque defensores felicissimi, sed etiam alii eruditi, qui pro sua quisque ingenii, doctrinaeque facultate ad communem vtilitatem de suo aliquid conferant: non difficile neque ad intelligendum, neque ad demonstrandum est, eos omnes huius facultatis suae fundamenta in scholis bene constitutis iecisse, et initia eius doctrinae generis, cui postea se totos fere consecrarunt, ex iis reportasse. Nam vnde Principum amici, et consiliarii prudentissimi? e scholis: vnde diuini, humanique iuris consultissimi? e scholis: vnde valetudinis humanae tuendae, restituendaeque felicissimi? e scholis: vnde ciues boni, Reipublicaeque pro suo quisque munere vtilissimi? e scholis. Et sane, nullus omnino honestiorum ordinum est, quin, si ingenue velit, liberaliterque fateri, per quos fundamenta doctrinae suae iecerit, per quos ad altioris vitae cultum fuerit institutus et formatus, dicat, se magnam doctrinae, vitae honestae, felicitatisque adeo suae partem scholis referre acceptam. Et quae tandem ista Respublica esset futura, in qua scholis bene constitutis, bonisque adeo liberis nullus esset locus? Quomodo salutare leges ferri, iudicia e iustitiae norma exerceri, ciues humanitatis, societatisque vinculo contineri possent? Quod si nondum satis luculenter vtilitas, necessitasque scholarum, bonarumque literarum intelligatur: age, fingamus mente, animoque vnam aliquam gentem, qualem v. c. Scythiarum fuisse accepimus, e qua omnes scholae, atque adeo bonae literae, proscriptae quasi exsulant, et quam misera ibi et tristis omnium rerum facies, quam abominanda vitae immanis species deprehendatur, consideremus. Nulla hic de

Deo opinino, nulla de religionis sanctitate persuasio: nulla hic est Respublica, sapientibus humanisque legibus temperata: nulla hic aequitas, nullum ius, nulla iustitia: hic sibi quisque manu armata ius iniustum facit, et ut quisque est viribus potentissimus, ita facillime ius obtinet suum: nulla hic cum vicinis societas, et coniunctio, commerciorum nihil: hic latrocinium dominatur, infandaque hospitem etiam caedes et exinde inhumanus, immanisque cibus: nullus hic amor necessarius parentum et liberorum: nulla hic necessitudo coniugum, nullam propinquorum, affiniumque vinculum: hic pietas, probitas, fides ignoratur, virtutum notitia nulla: hic nullus honestatis, humanitatis, amicitiae, officiorum sensus: nulla hic liberorum honeste educandorum cura, nulla hic morum conformatio: verbo, hic cernuntur figurae, quae speciem, formamque hominum referre videntur, sed institutis, vita, moribusque animalia expriment bruta. En tibi tristem, abominandamque imaginem eiusmodi gentis!

Quanta commoda scholae bene constitutae non Ecclesiae modo, sed toti etiam Reipublicae afferant, inter alios probe perspexit Carolus ille Magnus, qui ex aula sua ignorantiam proscripturus, omnesque erectae indolis adolescentes ad literarum studia excitaturus, scholam illam aulicam, tantopere scriptoribus celebratam, et nomine *Palatinae* insignitam, instituit eo consilio, ut et ipsius, et procerum liberi omni liberalioris doctrinae genere instituerentur, optime intelligens, literas esse illa adiumenta, sine quibus non facile quis multum commodi Reipublicae possit asserre. Iam, quo studio idem Imperator Magnus scholas fouerit, et in discensionum incrementa, in literis capta, ipse inquisierit, quibus artibus eorum vel ignauiam castigari, vel diligentiam acuerit, id scriptores non sine summis ipsius laudibus commemorandum saepe, praedicandumque sibi putarunt.

Cum igitur scholarum, bene constitutarum, ea utilitas, ea necessitas sit, ut, iis sublati, neque Ecclesiae suae integritas, et incolumitas, neque Reipublicae salus et dignitas diu constare, neque vita humana culta, politaque esse possit:

Prin-

Principum consilarii, qui auctoritate, gratia, consilio, ope-
raque ad vtilitatem, salutemque publicam multum conferre
possunt, per religionis puritatem, per Ecclesiae incolumita-
tem, per Reipublicae salutem, per quicquid sanctum est, eni-
xissime rogandi, et obsecrandi sunt, ut quantum animo con-
niti, quantum gratia, auctoritateque efficere, quantum ope-
ra, studioque contendere possint, ad scholas, nuperi illius
belli acerbissimi calamitatibus grauissimis collabefactas, et
conquassatas, multisque adiumentis necessariis priuatas, et
etiampum destitutas, suum studium, operamque suam con-
ferant, eas ope praesenti sustentent, tueantur, foveant, et
pristinam earum conditionem, sortemque felicem reducere
conitantur. Haec sunt flagrantia omnium bonorum ci-
uium desideria; haec est summa ardentissimorum votorum;
quibus Deus Optimus Maximus, numen, nutumque diuinum
annuat suum.

Sed nunc consilium indicandum est, quo ad hanc pro-
lusionem scribendam accesserimus. Scilicet, producendi
sunt VII. nobilis, et erectae indolis Iuvenes, qui in memoria
dier natalis CCXIV. Illustris Moldani, nostri, redeuntis, pie
colenda facultatis suae dicendi, specimina edant. Ecce tibi
eorum nomina, non quo sedent, sed quo ad dicendum pro-
cedent ordine:

I) **BENIAMIN GOTTHELF BEUTLERVS.**
Süpticio-Misnicus, de necessitate et vtilitate scholarum publicarum
conditarum.

II) **CAROLVS GVILIELMVS SAHRER DE**
SAHR, Eques Misnicus, de calido, religionique Christianae
maxime pernicioso Iuliani consilio, Christianis interdicens scholis.

III) **IOANNES IMMANVEL LEHMANNVS,**
Doeblenfis Misnicus, de festinato Iuuenum et Scholis abitu, eo-
rum fortunae, felicitatique pernicioso: qui etiam illustri Mol-
dano



iano nostro vale dicet, et magna cum laude, et cum
omnium Praeceptorum votis bonis, faustisque acclama-
tionibus in Academiam se conferet.

IV) CHRISTIANVS AVGVSTVS KOECHLY,
Sornicio-Misnicus, de magnis commodis, quae institutio iuuenum
in scholis publicis prae institutione priuata habet.

V) CHRISTOPHORVS GOTTLIEB KOHLIVS,
Rageuicio-Misnicus, de magnis commodis, e scholis
bene constitutis in Ecclesiam redundantibus.

VI) IOANNES ADOLPHVS KOHLIVS, Rage-
uicio-Misnicus, de magnis fructibus, e scholis bene constitutis
in totam Rempublicam prouenientibus.

VII) CHRISTIANVS FRIDERICVS FIED-
LERVS, Seyfersdorfio-Misnicus, de praestantia trium in
Saxonia scholarum prouincialium, prae aliis scholis.

Ad quos beneuole audiendos vt a. d. XIV. Septembr. hora
matutina IX. finitis sacris in Auditorio nostro maiori fre-
quentes conueniant, qui bonis literis, scholaeque adeo no-
strae fauent, cum nostro, tum ipsorum nomine humanissi-
me, et officiosissime rogamus. P. P. in Illustri Moldano,
Ipsis Calend. Septembr. A. R. S. ccccclxiv.

